

四庫全書

集部

欽定四庫全書

集部

冷然齋詩集卷八

詳校官庶吉士

臣李傳熊

主事臣呂雲棟覆勘

謄錄監生

臣曾照

謄錄監生

臣溫廷鑑

欽定四庫全書

冷然齋詩集卷七

宋 蘇洵 撰

七言絕句

報寧寺

相業平時既講明得君當國有難能
周公禮樂寥寥意
餘子隨時未可憎

為愛先生所賦詩半生叅學老猶迷
如今數卷鍾山草
步步相隨處處攜

玉斗

玉斗撞來事已殊
豈知天命有乘除
秦人自愛三章法
枉却先生膽氣麤

劉郎詩

白髮劉郎意自悲
桃山還是欲花時
一生漂轉成何事
留得玄都數首詩

提舉劉學士以其論守江之策未行作詩見遺
謹次

福胎當日起燕然始信興亡不屬天
謀國自知無祕計
何時歸把牧羊鞭

自是羣公氣未平
黠羌何慮不休兵
欲成江左收賢俊

嘆息無人致二生

顧榮
賀循

龍瑞宮

花竹青虛卉木蒼
行穿溪水過山房
黃冠相對如泥醉
此是人間不老方

嶂密峰圓不似山
桃花流水做春閑
神仙只在人間世

妄意虛無縹緲間

未必時人識面頻
偶然蹤跡似逃秦
重來洞府青春晚
一樹桃花犬吠人

石鏡

鑿石何年種月輪
清光終夜照香魂
淒涼不比班姬扇
猶是君王送死恩

忠州鄧都觀乃平都洞天也題一首

宮殿隋梁所造成
殿門仍有晉丹青
白頭道士無人見

客至惟呼鹿出迎

十二峰

畫圖曾識巫山面今日親臨十二峰
萬里平生無此夢却疑身在畫圖中

灩澦堆

灩澦堆頭一葉舟半年人共水東流
平生快意纔如此不數東南數十州

八陣圖

儼然雲轉與風回故國人看但石堆猶有鬼神供職守
不移行列待將來

巫山峽

山木無端又一秋夕陽和影上扁舟舊時十二峰前路
惟是猿聲共客愁

大仙廟

為雲為雨話頭長十二峰前事渺茫盡道翠睂愁未展
不應猶憶楚襄王

風木哀鳴想佩環飛鸞何在古祠間
無端牢落悲秋客
剛把人間比夢間

琴臺

朱絃牢落更誰聞
青草臺高鶴唳雲
尚有茂陵多病後
眼前相對卓文君

孔明廟

未了功名便闔棺
荒祠零落漢衣冠
知心惟有庭前栢
能與先生共歲寒

濯錦江

機絲波影借光華
巴女臨流住幾家
爭向芳菲偷錦樣
織成平白濺江花

浣花溪

抱郭清溪一帶流
浣花溪水水西頭
重來杜老誰相識
沙上鳬雛水上鷗

武昌

南樓絲管日紛紛
一帶春江浸碧雲
遺老相逢問年幾

白頭閒話岳將軍

行宮

先帝乘龍厭九州
行宮花柳不勝愁
傷心更有秦淮水
故繞宮牆日夜流

春歸

十日清明九日非
人家庭院綠成幃
春風怕見匆忙去
莫放楊花一點飛

歸自都城

竹樹齊平綠似城朱櫻初熟粲繁星今年趣得春歸伴
買飯蕭然舊驛亭

夏行郊外

吹紅換得綠團枝蝴蝶飛來又却疑藤架野花無著莫
是人行處有香隨

有感

滯不求通任布衣山陰道上玩春暉每逢到處花開謝
轉覺人生萬事非

小憩西興

吳越相望一葦通
仙凡不隔半帆風
元暉有句無人識
盡在西興落照中

之上虞道中作

東關白塔何由見
異日曾驚堠子頻
千頃波濤風雨裏
夜深孤載一愁人

上餘姚

憶侍大人江北去
却從伯父野堂回
爭知二老輕凋謝

歲晚扁舟一箇來

過餘姚

柔櫓輕飛過別灘
老夫吹帽受風寒
江流屈曲如蛇轉
羸得青林四面看

復過二首

遠水連山碧四圍
烟波時有鷺鷥飛
餘姚江上中秋月
自買扁舟一箇歸

西風奕奕細吟商
客枕淒然一夜涼
吟盡蘋花渾可事

少留荷葉蓋鴛鴦

曹娥

遊子心情歲暮時
畫船來往幾歡悲
夫人祠下寒潮水
自展醪牲讀蔡碑

與曾亨仲曹六二兄買小舟遊西湖

貪忙安得似偷閑
日日紅塵倦往還
買得小舟真似葉
敗荷叢底看孤山

西湖早秋

明知有熱不多時可喜秋清又可悲四十九年蘧伯玉
西湖一陣桂風吹

重到湖上

湖上秋風即便濃傾都人出賞芙蓉我來自愛青青草
白鷺飛回興略同

往回臨安口號八首

高麗寺裏訪詩僧嬾上湖船獨自行行到寺前人迹少

不知傍有白雲迎

父 彙

老銛相見一欣然說似艱虞是去年從此新詩更超詣

時人欲殺豈無天

朴翁

道傍舉首揖髯陳領得秋塘句法新歸飯客樓隨取別

隔橋相見兩詩人

敬文

江湖漂蕩舊劉郎不飯經旬病在床起見舊交仍慷慨

絕憐鬢底有新霜

改之

戒子橋南白塔西青桐新長蓋樓枝輕風忽向樓前過

不似長安店裏時

清曉無車一僕隨
南山行遍北山來
日長搭得回船去
薄暮湧金門尚開

天竺前頭靈隱東
山川奇崛自元工
舊時可是不曾看
今度重來看不同

吟詩一日便東歸
吟到樓頭日色西
今度重來有吟興
湖邊寺寺與留題

歸自臨安

一鐵君王鑄已成
忽然淮上羽書驚
歸來依舊當時我

添得髭鬚白數莖

錢塘渡

百年鬢髮春風晚十二闌干落照微
多事錢塘江上水
送人離別送人歸

鏡湖懷古

鏡湖湖水滑如油
狂客歸來上釣舟
惆悵無因見李白
西風吹老芰荷洲

題千秋觀

不見風流賀季真
酒船回棹莫逡巡
如今湖上千秋觀
逢著黃冠亦可人

九日寶林塔中作

甕頭無酒菊花青
千丈蒼崖孰與登
從此重陽課茶事
不携兒女只携僧

九日

茆簷小屋對青山
只有淵明一味閑
手把黃花翫尊酒
宛然風味義熙間

重陽二首

為客時多不解愁，亦逢佳節強登樓。
酒闌自摘茱萸望，何處青山是越州。

九日登臨兩鬢華，鷗邊秋色帶風沙。
絕憐當日陶彭澤，依舊無錢對菊花。

題極覽亭

每向湖中望高處，却來高處望湖中。
雲興霞蔚九天上，水繞山圍一萬重。

題三高亭

千頃飛花特地寒
又隨漁艇泊蒼灣
三高問訊來何巧
趣得氷湖看雪山

小亭詩

小亭西角杏花明
寂寞聞鶯但一聲
九十日春今五十
自按紅蘂遶階行

題興旅亭

舟行竟日雨冥冥
晚飯淒涼送客亭
雲幕亂山看不見

隔江惟有一堆青

舟中

夜色隨人上小舟
舟中欹枕夢悠悠
橈歌聽得偏幽怨
不覺天明到越州

小睡醒來欲二更
村深那聽鼓鐘聲
舟中反覆無窮事
只道寒天不會明

金陵池上

府園秋後一池荷
綠蓋縱橫百柄多
折盡再生錢樣葉

却疑天氣復清和

西百官宅池上詩

一架茶蘼覆水開游魚架底自徘徊如何知道人來看
故觸流花去不回

建鄴卽事

淒淒風雨病情懷準擬東歸事不諧買得扁舟如箬葉
又隨明月過秦淮

湖樓

奔走何時得小閑
幾年心事入蒼灣
小樓正在湖深處
輸與吾徒日夜看

江次

舟閣山橫水見沙
黃塵為客鬢初華
江春寂寂歸無計
一樹臨風落杏花

夜汎

澄波湛湛接新秋
月子波心印一鉤
荷葉亂花看不見
夜深時有小龍遊

周家步

兒時下上老翁家常記維舟岸有沙今日沙移吾亦壯
此翁居處只桑麻

姑蘇臺

草滿汙萊雪滿峰吳王臺殿落青紅姑蘇門外連宵泊
愁聽寒山半夜鐘

虎丘劍池

劍石光寒響輓轡軒窗高下盡平蕪山中幸自清如水

好換緇流着士夫

葛仙釣石

天上丹成鶴上飛
溪邊留得釣漁磯
千年二謝風流盡
誰復行吟送落暉

南塔詩

松樹何知過百年
樹根流水亦清漣
莫嫌寂寞無人到
多有人來正不然

月林即事

竹穿遙徑雨穿廊
繚繞東西百步長
是處有橋通水入
四時無日不花香

足趙丈句

跨湖樓好客閑行
身遠紅塵步亦輕
月在波心流不去
薰葭影裏一舟橫

水光山色鬪分明
何許清泠畫不成
月在波心流不去
薰葭影裏一舟橫

出建康府治

半月書齋淹病身又隨流水下西津
重來此地無相識只有鍾山是故人

所思

香爐峰頂行人絕曾借匡廬帶雪看
今日東州逢六月恍然回首一清寒

登樓

越客西來隱姓名扁舟浩蕩逐江行
岳陽樓上三更後自倚欄干看月明

登樓

秋林薄薄半棲鴉
城脚荷花一帶斜
碧色暮雲三萬里
不知魚網是誰家

賴婆橋詩

賴婆橋下粼粼水
幾見居人說廢興
自笑年來車馬迹
得如橋畔白頭僧

又南明示衆

寂寂松門竟日閑
更無金鎖與元關
時人欲識南明路

過得溪來便上山

即事

道宮釋寺多名勝出郭經年得幾回當此秋清身健日
可人還共子高來

次韻芻父上巳日同遊朱園四首

朱園好在竹平安地主相攜到不難記取今年修禊日
三人於此向風湍

野水青山非昔祠奠觴那復計醇醪拋梁有詠誰其續

除却靈均世不知

飲散墻間祭肉殘
林深終日閉幽蘭
重來野客朱邢我
坐久摩挲馬柱看

柳長沙白草離離
萬物東南漸絜齊
自折桃花翫春水
人生修短總成泥

頃在金陵郡齋與黃觀復夜坐漏箭下一二十
刻率未寢對語既盡明燭漸昏相與坐睡而後
已歸同郡居乃經時不見追憶當時曾有四句

云

映雪工夫久已無引錐自刺一何愚青燈一盞書狼籍
畫作金陵瞋睡圖

更賦一首

紙閣新糊擁亂書青燈依舊照詩癯隔城經月疎相見
却憶金陵瞋睡圖

感時

欲尋春物了無憑留得黃鸝一兩聲昨夜荷風清溽暑

金瓶梅詞話卷之七
岸頭還有小蟲鳴

恨春

芍藥荼蘼一萬枝花開動是隔年期欲留春色都無計
睡過紅雲白雪時

梅雨

江南四月苦風波細雨天寒柰若何梅子之黃如彈子
松窠其白柰花窠

籬根日日繫扁舟衣桁纔乾水又流老子病餘凡事懶

但薰沉炷淪茶甌

雙飛蛺蝶情何厚
百轉倉庚韻可聽
肯為螳螂看黃鶴
忍從燕子乞蜻蜓

雨中水閣閑眺

兩山正作脩眉綠
一水猶如尺練橫
竟日書窓覽今古
幾年人世少豪英

朝看雨脚似懸繩
暮見寬波沒釣汀
鴨鴨歸來人寂寂
鴉鴉飛去草青青

謝耕道一犁春雨圖

好事圖形復賦詩
豈知真箇把鉏犁
野人開卷微微笑
最憶輕蓑帶濕歸

花檻

石榴窻下亂紅堆
借宅今年適此來
知是主人知是客
亦逢時節自花開

釣魚

是非不上釣魚舟
從此閑身得自由
一色藕花三十丈

明年歸住鑑湖頭

野航

山青水綠思悠悠幾處灘頭復渡頭
任是無人競來往不妨終日自橫舟

漁父

漁翁年幾雪垂肩釣罷歸來月一船
明日酒醒尋伴侶賣魚依舊禹祠前

出遊

芳草盈盈水漲陂
淺篙驚動碧琉璃
心情自逐遊絲起
愛入春風夏禹祠

泊祠下詩

潮小淹留孝子祠
雪花須要老夫詩
鐘聲蓬底不知處
却似姑蘇夜泊時

江頭曲

青山何似越山青
年少經行得老生
欲結茅庵江上住
却嫌山水太分明

秋夜

一派銀河似練橫
淺深波浪浸天青
夜闌忽有風吹動
搖漾南箕北斗星

一點流螢自入扉
清風都向草頭吹
眠稀又被啼螿妬
看見新涼上小時

秋聲

枕邊無寐骨毛輕
露欲為霜月正明
一葉梧桐如喚客
起來搔首聽秋聲

秋感

油窗漠漠雨垂垂
秋盡江南草木知
促織到頭無一語
不知能有幾多絲

七夕

七夕相尋舊宅來
雞頭月下脊令盃
飲殘誰問天邊事
獨自婆娑弄影回

不寐

風露淒清入敝裘
月明偏照五更頭
無衣畢竟干誰事

徹夜寒蛩叫不休

晨起

曉雞將夢出華胥
起看新霜積槁梧
遲頃日高霜作水
可憐黃葉半邊無

欹枕邯鄲夢忽殘
黃紬被穩日三竿
起來門外霜如雪
始信人間有夜寒

遊天意寺

午後鐘鳴鸛鶴飛
日高嵐氣濕人衣
回頭但見青松樹

不信城中有是非

泊頭陀寺

世上身名孰是非
維舟日日釣魚磯
長江天闊不知處
夏口青山人夜歸

松桂堂

伯夷能使鄙夫寬
此老傳家不在官
魂夢猶能教兒息
九原風節更高寒

遣心四首

秋暘如火灼肌膚世念功名一點無晚洞龍歸帶飛雨
卧看簷溜落堦除

眼看飛蝗亂似蚊傷禾害稼不堪聞人言所在如飛雨
恐是淮南懶戰軍

西風颯颯動蒿萊江上蘆花似雪開甚喜茆齋清睡熟
却憂邊面有塵來

租田已旱仍遭水飽飯明年歲月長未見桂花先一笑
滿山金粟擬為糧

夜句三首

兒女咿嚶斑竹床
蛸蟾六月沸如湯
登樓誰問牛郎事
只看銀河意已涼

一派天邊淡淡橫
雖然無浪有風生
人間各自昏沉睡
看到三更剗地清

四更過盡五更來
看見參旗卷復開
澄澈定非人世酒
就渠斗柄酌三杯

雨夜

不待船來雨又風
雨聲元要打船篷
不干篷底纖毫事
一夜佳眠自落空

飛蓋堂即事

秋清未脫暑衣裳
稍上城樓過苑堂
北面芰荷南面桂
水香吹亂月中香

西興渡口雪

岸側枯楊卧玉龍
卸殘鱗甲趁天風
明年更作垂垂綠
會率鶯花入漢宮

望泰山殘雪

山脚爛斑日到遲清連秦樹夜猿悲因思上古英雄帝
不見蒼蒼白白時

效張文潛雪體

布衾如鐵衣生角學道終宵免醉昏兒女呻吟惟有睡
老人獨自起開門

樓高誰上最高層獨客思家見祇憎半夜樵歸逢說虎
隔溪畱罷約留燈

望前山雪寄葉山人

烟雲出沒微微白
知道前山雪也來
應在山中望城郭
爛銀宮闕是蓬萊

簷雪

簷雪無風久未消
貧家昨夜有瓊瑤
明朝却與隣人笑
只作清齋水一瓢

花月二首

月邊那復有炎光
望月踈花意已涼
吳質不須仍倚樹

老來無柰許多香

金英玉樹鬬玲瓏
九十秋光聚此中
人世等閑諸熱惱
一時消殺付虛空

高兄示夫婦觀月詩和韻

德耀梁鴻兩不凡
閨中桂影醉同看
却憐當夜鄜州月
空咏清輝玉臂寒

欽定四庫全書

冷然齋詩集卷八

宋 蘇洵 撰

七言絕句

借屋

借屋移來逐半年
眼看花發便欣然
主人官滿吾當去
却憶看花又可憐

借居

借得街南宅
子居蕭然几案食
无魚山人為辦
橫斜供

自洗禪龕淨水盂

感舊

小箱留得舊裳衣
母氏親縫衣比免
近日着來渾短窄
猛思泉下許多時

樂隱

橘隱仙人是乃翁
幾年涵養在其中
商顏不出渾無事
安得開禧第一功

窮

已着風帆似馬奔
雪花無數入船門
詩窮到處無醫治
愁絕湘江浸楚魂

野興

蠶績桑空又一年
村姑携手看花園
冬來保得兒孫暖
自解麻裙當酒尊

有錢詠

樹頭榆葉水圓荷
黃菊青苔鼓鑄多
莫把詩家作窮相
四時渾不奈錢何

野望

盈盈一水宛秋蛇
雞犬無聲野客家
雨後綠添沿徑草
風回紅謝隔牆花

足虞叟兄句

六月還當月盡休
今年節令却齊頭
蕭蕭不待聽梧葉
一見銀河認得秋

雲裏仙人不解愁
人間肺渴望涼瘳
更深倚杖前除立
一見銀河認得秋

次韻知縣兄

露坐僊人餐沆瀣水行漁父燭鬚眉
民間闔戶紛紛是如此清涼睡不知

奉和知縣兄

蒼烟濕濕雨微微一榼山醪手自提
看了梅花來看竹春寒如水不曾知

和賴叟弟春句

厭聽鳩婦屋頭聲十日何曾五日晴
一到紅芳了歸去

幾多時便綠陰晴

愛九兄舊句

眼看綠樽花下去情知清話竹邊留
楔觴豈是荒耽具

晉士那無經濟謀

續舊句

人人不識句中眼請問吾家岩壑翁
只把荒耽譏晉士
那知經濟在其中

代贈

隔溪楊柳絲絲綠比妾心情少日時待得楊花逐流水
此時妾意有誰知

代野父言

頭白垂垂過七旬一生筋力盡田園如今且聽兒男去
尚可看鵝抱乳孫

送裕師骨

去年石上君携我今日溪邊我送君世事儘從朝晚過
人情難必死生分

輕幡裊裊思悠悠夢破依然到鼎州送客各還家裏去
青山白骨自風流

一笑

曾服燕支遂得仙此花風味出於天杜陵無句休惆悵
且共東坡一粲然

書所見

畫手何須覓范寬有人樓上倚欄干瓊田玉界三千頃
野鴨飛來不道寒

寄白石姜堯章

稽山却棹酒船回
冷水灣頭兩意開
一路有詩吟不穩
當時悔不共君來

寄內

甕頭留得菊花春
過了重陽即誕辰
想見閨中為壽酒
只同兒女說歸人

寄堯章并簡銘老

山繞樓臺水接天
袈裟同上閣門船
相思一夜梅花落

儻有人來寄短篇

寄堯章

聞似磻溪隱姓名阿鬃仍是許飛瓊
涼風昨夜驚新鴈想見吹簫又月明

寄趙大資

劉向拳拳老更忠外家恩澤盡侯封
分明社稷蒼生計只在平居畎畝中

次韻九兄秋吟五首

不於烏鵲橋邊見定向笙簫鶴上逢
浙浙蕭蕭到荷葉
今年秋不屬梧桐

醉挽銀河續壽盃
娥亦怕老相催
三更自倚秋香立
待得靈鷲送藥來

涼稻翻翻卧滿畦
壺漿相勞各相携
村南有底連綿雨
一夜船高樹葉齊

為愛秋風吹弊廬
忽然詩思滿江湖
橙香夢澤團臍蟹
尊老吳江巨口鱸

江平無意作波瀾野曠山多入畫欄一段秋吟到幽渺
回頭三伏也風寒

再吟三首

翠被承恩羅扇棄一年一度一相逢功成者去終當爾
分付池蓮與井桐

菱角鷄頭薦晚杯詩成不受片雲催青裙自約彌明喜
更上西樓看月來

牽牛籬落蛙池雨甌有新炊園有蔬團聚秋來少煩惱

只羨藜莧莫羨鱸

簡趙世卿

舍弟歸承折簡來知君琴劍返天台人生百歲都能幾
兩度經過見一回

簡劉武子

落拓劉郎醉未醒少年名字以詩行流傳謾有南朝體
蕭寺如今白髮生

憶紫芝

五月二日葬於
西陵寶嚴寺山

幾度青衣裹白雲
流傳仙句世間聞
如今一去無蹤跡
獨自看雲不見君

清才漫仕橐長空
末後翻身尚客中
便死托生都是妄
直疑君去作秋風

重憶家姊

紙錢零落樹枝風
子女他人去絕蹤
此後只因多病弟

長官祠下泊孤篷

嶠浦乃
其所

憶堯章

數月書齋懶出門
眼看世事但紛紛
長安豈是無相識
除却西湖但憶君

憶盧子高

與君同氣不同家
今度書遲望眼賒
遇物却思高姓似
江頭行坐看蘆花

玉麟堂上口占呈趙大資

節旄彈壓萬旌旗
中使傳宣表睿知
重見相公官又長
宛然謙下蜀中時

呈永老

衲子心情處士衣今年參到地無錫江鄉一棹閑來往
只有明州數首詩

放翁寵賜正月九日詩翰

一篇盈軸紫龍歸自黃州政爾嘉大似新年逢好事
春風吹寶入貧家

放翁入朝後寄

貞元朝士已無遺白髮當權更有誰六十還朝今八十

却歸修史幾人知

寄李簡夫宮使五首

歸來手接一封書
累幅春水字字珠
便欲籃輿從此去
好風吹過燭溪湖

嘉言深味道之腴
啟鑰抽關許自如
顧我但將行脚悞
輸君全得病工夫

覓得驪龍頷下珠
幾年參請遍江湖
只今同味仍同病
惟有親朋李簡夫

扁舟來往雪模糊一句當頭道得無不是詩人磨不死
欲將身湊剡川圖

卽第茫茫逝水如髯朱寧復與之俱絕憐老子經行地
一笑知心更有無

送趙大資途次口占

渡口斜陽欲滿旗錦衣容易逐雲衣聖朝無事宗臣老
白髮滄浪一舸歸

夢中作

青燈一盞照青編
月色霜華兩皓然
交友歲寒何所憶
水僊王廟竹林邊

夢遊海山二首

海山青碧一千重
樓觀飛霞朵朵峰
薄晚維舟渾不得
飄殘女樂趁天風

紺幘行空半簇花
太真扶轡極天斜
一聲何處寧王笛
吹入春風百萬家

四月十三日晚夢入試枕上口占

卷八
百花開盡蝶蜂去遠屋團團杏葉陰除却平生我與我
世上誰人識此心

行年今已是七十況世非皆七十翁栢兒安女莫遲我
我入秦華遊衡蒿

夢游

殿前入醉索催茶玉女傳宣賦綵霞誰道塵緣猶未斷
碧桃花下却思家

夢句

元日新春又一年剡溪仍是舊山川
白頭野叟無時事
獨自尋僧雪滿船

夢盧子高

魂夢依稀欲見君
須臾為月又為雲
起來接得如鴉字
談笑聲音了不聞

夢堯章桂花下

撲鼻清香雨絕詩
分明參到小山辭
如今獨自秋風下
不似當初並馬時

夢退堂師

碧眼霜顱事已非夢中相見祇攢眉
推敲有法猶分付一似高麗寺裏時

似夢非夢作

僊女宮釵玉鳳頭太平天子翠雲裘
九霄下視人間世底事相看笑不休

奉和刪修郎中舅達庵

分明日用不難知邂逅庵成一賦詩
身在山林志廊廟

從來比士得圓機

代內

孟光書寄與梁鴻
新粲年年幸可同
觸熱忘歸渾細事
笑人應有北牕風

書紫芝卷後

為愛君詩清入骨
每常吟便學推敲
明知篋笥篇篇有
百度逢來百度抄

挽周晉仙二首

酷愛金陵二百詩自癡那得使人癡草堂寂寞荆公死

泉下相逢試質疑

周劇愛予金陵詩跋云似唐人劉禹錫杜牧之又似半山更絕妙處似少

陵所謂玄之又玄也

雪跨冰懸句盡珍生前已自外其身重來不見長安道
猶恐虛空遇若人

到馬塍哭堯章

初聞訃告一場悲寫盡心肝在挽詞今日親來見靈柩
對君妻子但如癡

南宮垂上鬢星星畢竟欄衫不肯青除却樂書誰殉葬
一琴一硯一蘭亭

花按空空但滿塵樂章起草徧臆身孺人侍妾相持泣
安得君歸更肅賓

兒年十七未更事曷日文章能世家賴是小紅渠已嫁
不然啼碎馬塍花

謝月林寄詩次韻

重入都門又許時舊巢新燕欲何之清風忽送苕溪便

滿紙雲煙七字詩

次韻呂清父錄參

雨脚如麻數日懸
家貧上漏復旁穿
天工却與人爭氣
賜得青苔百萬錢

次韻知縣兄秋懷三首

便腹應難飽以書
今年田穀未寬紓
朋從相過無祇待
自起園中摘我蔬

秋花秋水兩相宜
白髮於秋更有期
三十年來無世味

清修除是老僧知

靈均心事少陵詩
青竹林邊白竹籬
自把寒花看新鴈
今年強似去年衰

次友人韻

時事紛紛一笑中
卧看牆外石榴紅
誰憐楚客當年意
與把離騷繼國風

先生休恨易俱東
弟子方欣色笑同
早晚朝廷議恢復
請看裴度在軍中

耕堂弟婦生日

偕老杯盤最喜歡酒中純綠浸南山鶯鶯解作嬌娥唱
牕外垂楊是小蠻

了却蠶繅備雪天耰鉏只在屋頭邊青莛綠蟻相扶醉
婦饁夫耕過百年

傷嬾巢

車水池邊句尚新重來手帖更精神知他的赴何方約
一去茫茫不告人

小立

飛却青天白鷺鷥短蓬相伴月明知只因獨速歸來後
見我滄洲小立時

春澗曲

點點飛紅逐細流拾樵烹薦茗花浮秋來豈不潺湲好
纔帶猿聲便是愁

即事

秋風涼冷自天生瘦骨吹來便覺輕數日因忙偏蹉事

不知庭戶減蟬鳴

所憶

一陂潭水繞花身
淥淨分明照得人
最憶蔣陵西曲路
春風相伴兩烏巾

接齊叟總幹兄櫬

人生何者遽宜休
如此詩書未白頭
舍棹燈明煙雨裏
居人那識在原愁

呈許從道省元

都城握手意彌溫
少小追隨莫更論
一別江湖重十載
偶然相見欲無言

存沒口號

唐家不靖自牛李
黨籍何勞口舌爭
莫說紛紛倒元祐
古來平國用阿衡

百川衮衮東赴海
學者皆知孔氏宗
六籍湮微吾道喪
武陵山下泣寒蛩

白髮蕭蕭禮部郎
風流不減賀知章
半生寒餓湖山裏

八十重來坐玉堂

存沒口號

陶山松柏日夜長
屋下兒孫漸滿堂
當時侍傍五男子
考叔之羹曾未嘗

紫荆一樹花連枝
近以手抓動輒隨
毋忘在莒孔懷日
可詠陟岡何怙詩

綠陰

綠樹陰中石枕頭
功成不願割鴻溝
君看上蔡牽黃犬

悔殺人間萬戶侯

佳木豐交午蔭稠門闌青草沒堦頭道人洗淨箏琶耳
睡起一聲黃栗留

無題

綠雲無據玉樓空回首悲歡一夢中為憶當時裙樣色
隔牆嫌見石榴紅

月樣梳橫鬢腳傾弄簫騎鶴上青冥歸來自摘金莖露
手寫黃庭一卷經

夢到巫山起較遲
花梢日在不多時
關心自對空梁語
一箇飛來燕子知

樹端浮綠漲連雲
青草池亭不見人
猶有薔薇數枝在
雖然是夏亦如春

自判此生非醉殺
則睡殺耳未知天
公肯見容
否作續醉睡句

采石江邊踏鯉魚
華山縣裏自騎驢
世間非醉亦非睡
白墮黃梁莫笑渠

兀兀遽遽也大奇眼花花處蝶飛飛先生飽慣人間事
只麼殘年是解圍

題山寺

白雲飛繞寺樓鐘點滴清聲露打松童子開門還報我
鶴眠猶在最高峯

遣興

曲徑縈紆入翠林無人風自落來禽山中不記今為晉
一刻清閑直萬金

雨中海棠花放簡馮元洛

天涯萬里春風晚曾上西樓看此花今日東南無處覓
矮筇來問蜀人家

海棠花放簡馮元洛二首

游絲無賴小庭空夢想君家合樹紅曾向西川親畫得
舉家終日看屏風

坡仙不作黃州去更把媽紅向阿誰後夜秦莊照華燭
幾時馮圃折高枝

贈韓雪蓬

平生未信簡齋詩一見韓君更不疑
六月掀蓬問溪雪眼明開遍兩三枝

春谷

寒谷春生物物均薰然和氣特相親
十年屢作開花賞重費吹噓是此人

紅梅

遊仙一曲夢初回依舊江南鼎鬲才
歲晚應嫌太孤寂

未妨隨俗引三杯

天與清高孰我過
歲寒只合老岩阿
無端自學閑桃杏
只恐情多事亦多

等觀非白亦非紅
開落那知色自空
落葉成陰花又子
幾將心事託東風

空墻碧水芳菲處
泣盡胭脂恨不銷
不遣二妃陪舜葬
故應淚沁雪枝條

綠萼梅

鍊得丹成卸羽衣
更餐日彩弄晨曦
九疑魂斷歸無計
自倚湘筠醉幾時

又一首

水仙分御六銖衣
雲作中單翠作蕤
占斷芳園無兩樹
月明倒影浸愁漪

次韻詹仲信梅花

莫教一片復隨波
月底風前許細哦
花與吾人本無負
吾人自負此花多

次韻邢季允梅花

懷想西湖一樹冰，有誰人似此花清。
何當共泛波微綠，更得同看月正盈。

和黃觀復梅句

梅花骨相本通仙，何況苔枝綴玉鸞。
如著官袍更瀟灑，不應將作女人看。

贈梅

不作梅花一句詩，今年參透老禪機。
忽然吹墮紛紛雪。

又挽寒香探落暉

和九兄古梅

處女何因髮半華
一生藍縷在貧家
冷灰豆爆真奇事
枯樹中間忽數花

道上梅

栗棘蓬邊父老家
不知來歷便橫斜
思量却是無心種
逢着春風偶自花

和趙宮管看梅三首

除却梅花不可無梅花之外更何須花中兒女紛紛是
唯有梅花是丈夫

縛屋踈踈傍柳塘詩腸渾不畏田荒今年天賜清修福
只嚙梅花一味香

水邊山下懶尋伊折放瓶中看一枝一片飛來霑硯滴
似嗔老子不題詩

楊梅

孫梅過盡官梅在下番楊梅獨擅場喚作荔枝元不是

是渠猶著小紅裳

每勤蕨葉護筠籠
獨自還丹表裏紅
留與越人共夏祭
莫教惡雨打成空

憶楊梅

不羨南州錦荔枝
鶴頭猩血正紅滋
老饕隔歲流涎甚
為趣容山半月期

才熟惟應便送官
摘來和葉上金盤
病夫病久無靈藥
且服丹砂數百丸

夏祭先供項里祠鮮香未嚙已聞思昨宵夢裏依稀見
滿樹薰風重壓枝

悼楊梅

凡物從來遇合難爛甜中故有微酸自憐生晚空同姓
不得楊妃帶笑看

見三山翁插山茶花一朶二首

人老簪花却自然花紅應不厭華顛人間無此風流樣
何止源流二百年

故里歸來一幅巾
廟堂誰記此祠臣
却將筆下黃麻意
自語山中白髮人

馮生畫荷花

湖上看花意欲迷
年年花謝憶花時
如今一見馮生畫
早晚看花更不疑

荷花

荷花宮樣美人粧
荷葉臨風翠作裳
昨夜涼涼似水
美渠宛在水中央

瓊花

一樹娑娑種月華
夜闌依舊護風沙
今年不往揚州過
曾看夫人廟裏花

采菱

引蔓寒花釣艇妨
游颺錦浪雪溪傍
若教攄不餐煙火
只採芳香亦味長

贈耕堂梔子花

六出英英九夏寒
短叢香玉映清湍
主人自出無人管

輸與冷然隔岸看

桂花

手種秋風碧玉成
花開如粟水沉驚
人間商略年年事
到底其如一字清

一巖樹色亂秋雲
初喜秋風觸鼻根
招隱歸來渾未得
老懷索漠剩思君

遠於沉水淡於雲
一段秋清孰可分
畢竟素娥留不得
人間天上一時聞

東西南北日團圓洗滌肝膈立樹邊料得癡蟾別有藥
只餐金粟徑升天

桂花下

羽服懸知澹不妍五更清吹月明前明朝多少塵勞事
自倚虛簷一悵然

子大送桂花荅之

小山月在影團團滿院清香特地寒病骨逢秋眠較少
五更風露起來看

庭前菊

百葉黃香十月春東籬佳節誤陶中
開花較晚酒羞澁
風味依然似主人

送黃木香與九兄

冶葉倡條無意度黃香千疊最宜春
折來欲贈空惆悵
未遇人間第一人

妃子妖紅濕領巾馬嵬遺恨幾番春
如何淡素衣龍袞
一似秦宮入道人

川墨送兩馮君

裕陵故物秦家得再拜摩挲老墨湣今代廷珪那復見
紙牕蛛絡半烏丸

琅玕翠餅敲玄笏老我殘磚直愧渠遣似兩馮論里好
管城脫帽却時須

雲川趙使君坐上和賦鵝鵝韻

杏子花開水漫流羨君得意在滄洲莫將文采供人玩
怕入雕籠不自由

來禽詩

粲粲來禽已著花
芳根誰徙向天涯
好尋青李相遮映
風味應同逸少家

寒鴉詩

點點飛來遶水村
不緣街鼓識黃昏
當年口腹成踈棄
却保生全反哺恩

書景

黃衣鶯子一雙飛
飛到花間立少時
此際東風有情思

杏花吹折最繁枝

咏草

天涯隨意綠匆匆只與牛羊踐踏空
挽着便堪供藥味誰令汝不過神農

